

## **Ektimaut Deibid en Galaiyath**

### **Ola difrinwan Pipul**

- Deibid
- Det men hubin dalm det stori
- Galaiyath
- Isreil solja
  - Wanbala
  - Dubala
  - Thribala
  - Eliyab (bigwan braja bla Debid)
- Sol
- Jesi
- Filastain solja

### **Werrimon:**

(het, schild, Shet, bigwan naïf, spiya (thikwan, en det bleidpat bin aiyawan (ironone). Det bleidpat (blade part) bin brabli hebiwan du 7 kilogram.

**Storimen:** Dijan stori bin hepin longtaim, langa det najawan kantri longwei brom iya. Ola Filastain en Isreil solja bin majurumap miselp. Deibin wandi fait.

*Ola Filastain solja garra luk najawei*

**Storimen:** Wal Sol bin majurumap ola solja blanga im, en deibin kemp. Deya na deibin meigim miselp redi blanga fait langa olabat.

*Ola Isreil solja en Sol garra luk najawei.*

**Storimen:** Wal detlot Filastain solja bin oldei jandap langa hil wansaid langa lilwan plein kantri, en ola Isreil solja bin oldei jandap langa hil najasaid langa det plein kantri.

<sup>4</sup>Wal wan Filastain men deya bin neim Galaiyath. En imbin oldei jandap deya lida langa ola Filastain solja.

*Galiyath showum miselp en meigim mundamuda gidap.*

**Storimen:** Imbin brabli longwan gulijap 3 mita. Wanbala solja bin oldei garraimap ola ting bla Galaiyath en imbin go lida langa im. Wal Galaiyath bin oldei jandapbat deya jinginatbat langa detlot Isreil solja,

*Det solja garrimap ola ting en wok lida garram Galiyath*

*Galuyath: Standap en singaut la det Isreil pipul.*

**Galuyath:** “Wotfo yumob oldei jandap deya meigimbat miselp redi blanga fait? Yumob luk mi? Mi Filastain solja. Bat yumob nomo solja. Yumob jis wekinmen blanga King Sol. Wal yumob pikimat wanbala men blanga fait langa mi. <sup>9</sup>If det men gin fait langa mi en kilim mi ded, wal melabat garra jidan wekinmen blanga yumob. Bat if mi bidim det men en kilim im ded, wal yumob garra jidan wekinmen blanga melabat. <sup>10</sup>Wal mi iya na askimbat yumob Isreil pipul blanga jandimat sambodi blanga fait langa mi. Bat yumob kaan faindim enibodi blanga fait langa mi.”

**Storimen:** (braidin wei) <sup>11</sup>Wal wen Galuyath bin tok lagijat, King Sol en im solja olabat bin brabli bradin. Galuyath bin oldei jandapbat deya jinginatbat langa ola Isreil solja. Imbin dumbat lagijat fo 40 dei.

*Sol en ola Isreil pipul bin brabli braidin en deibin gobek gobekbat na.*

*Holot solja standap langa wan lain.*

**(Statimap la buk)**

**Storimen:** (hepiwan) Longwei brom weya detmob bin faitfaitbat wanbala men neim Jesi en im san Deibid bin jidan.

*Deibid kamat en weib.*

**Storimen:** Deibid bin abum sevenbala braja en im dedi bin Jessi.

*Jesi tunawei.*

**Storimen:** Deibid, oldei langa im dedi kemp maindimbat ola ship. Deibid bin abum thribala braja jidan solja blanga King Sol.

*Jesi wok la Deibid en askim im*

**Jesi:** “Yu deigim daga, en yu go streit langa yu braja olabat deya langa det pleis weya dei faitfait garra King Sol langa detlot Filastain solja. Yu garra gibit olabat detlot enijing, en yu garra faindat hau yu braja olabat. En yu garra bringimbek samting brom olabat blanga shoum mi yubin luk olabat.

*Deibid tok bla sambodi*

**Deibid:** Hu gin maindimbat ola ship bla main dedi?

*Deibid bin gidap en gowei hepiwan.*

*Ola Solja lainap redibla faitfait*

**Storimen:** Deibid bin go langa det pleis weya im braja olabat bin jidan. Wal wen Deibid bin kamat langa det kemp, imbin lisin ola Isreil solja jinginatbat, dumaji deibin redi blanga go langa det pleis weya deibin oldei jandap blanga fait.

**Isreil solja:** Bla Isreil! Bla Sol! Bla Isreil! Bla Sol!

**Ola Filistain solja:** Bla Filistain mob! Bla Filistain! Bla Filistain!

**Deibid:** Hau yumob, wanim bin hepin? (meigim binga sain).

**Braja:** Deibid yu iya....

*Galiayath im jingat hadbalawei (wal najlot stil singaut)*

**Galaiyath:** “Wotfo yumob oldei jandap deya meigimbat miselp redi blanga fait? Yumob luk mi? Mi Filastain solja. Bat yumob nomo solja. Yumob jis wekinmen blanga King Sol. Wal yumob pikimat wanbala men blanga fait langa mi. <sup>9</sup>If det men gin fait langa mi en kilim mi ded, wal melabat garra jidan wekinmen blanga yumob. Bat if mi bidim det men en kilim im ded, wal yumob garra jidan wekinmen blanga melabat. <sup>10</sup>Wal mi iya na askimbat yumob Isreil pipul blanga jandimat sambodi blanga fait langa mi. Bat yumob kaan faindim enibodi blanga fait langa mi.”

(Golaith continued to do for 40 days – so repeat from earlier section, needs to be shortened).

**Isreil Solja:** *Ola Isreil bin braidin en deibin mub bek faibala step.*

**Storimen:** Deibid bin luk and bin lisiin det solja toktok

*Deibid bin lisiin det solja toktok.*

*Solja toktok gija en det pipul nomo wotjimat Debid.*

**Isreil Solja 1:** “Yu luk det bigwan men deya? Im oldei askimbat wi blanga fait langa im.

**Isreil Solja 2:** King Sol bin tok im garra gibit loda enijing langa det men hu garra kilim det Filastain men ded,

**Isreil Solja 3:** En im garra gibit im doda langa im blanga merrit du, en im kaan meigim det femili blanga det men pei eni teks mani.”

*Deibid bin wok en askim det solja gulijap langa im.*

**Debid:** “Det Filastain men im bringimap bigbala sheim langa ola Isreil pipul. Wal wanim det king garra gibit langa det men hu garra kilim det Filastain men ded en deigidawei dis bigbala sheim? Det Filastain men im nomo enijing. Nobodi bin meigim im men. Im kaan tok nogudbalawei lagijat langa ola solja blanga det trubala God.”

**Isreil Solja 1:** “Yu luk det bigwan men deya? Im oldei askimbat wi blanga fait langa im.

**Isreil Solja 2:** King Sol bin tok im garra gibit loda enijing langa det men hu garra kilim det Filastain men ded,

**Isreil Solja 3:** En im garra gibit im doda langa im blanga merrit du, en im kaan meigim det femili blanga det men pei eni teks mani.”

**Storimen:** <sup>28</sup>Wal det bigwan braja blanga Deibid bin lisiin Deibid toktok langa detlot men, en imbin gitwail langa Deibid, en imbin tok,

**Bigwan braja (Eliyab):** “Wotfo yubin kaman iya? Hu maindimbat ola ship blanga yu deya langa det pleis? Yu brabli jigibala! Yubin kaman iya blanga lukinat melabat fait.”

**Deibid:** (hurtim miself) “Wanim aibin dum? Wotfo ai kaan askimbat kwestjan?”

Wanim det king garra gubit langa det men hu garra kilim det Filastain men ded?

Ai gin go fait langa im if nobodi kaan fait.

*Solja 2 go dalim stori bla Deibid.*

**Storimen:** <sup>31</sup>Wal sambala men deya hubin lisin Deibid tok bin go en dalim King Sol,

**Solja 2:** Sol, Main King, wanbala men deya la kemp bin tok brabli laudwan bla det brabli bigbala men.

**Sol:** Go en bringimap det men la mi na.

*Solja 2 gedim det Deibid en bringimap im la Sol.*

**Deibid:** “Bos, nobodi kaan bradin langa det Filastain men. Ai garra go en fait langa im.”

**King Sol:** “Nomo. Yu kaan go en fait langa im, dumaji yu oni yangboi yet, en det men bin jidan solja longtaim.”

<sup>34-35</sup>**Deibid:** <sup>36</sup>Loda taim aibin kilim laiyan en beya ded, en ai garra kilim det Filastain men ded lagijat du, dumaji im oldei tok nogudbalawei langa ola solja blanga det trubala God. <sup>37</sup>YAWEI bin seibum mi brom laiyan en beya, en im garra seibum mi lagijat du brom det Filastain men.”

**King Sol** (tok mijamet garra deibid): “Orait. Yu gin go en fait langa im, en YAWEI garra go garram yu.”

(tok mijament garra Solja): Solja’s pudum King Sol faiting giya langa Deibid blanga werrimon.

**Solja 1 en 2:** *Stat pudimbat ola faiting giya langa Deibid.*

**Deibid:** “Ai kaan fait garram ol dislot ting lagijat, dumaji ai nomo bin werrimon diskain ting bifo.”

**Storimen:** En imbin deigmat ol detlot ting.

<sup>40</sup>Brom deya Deibid bin gajim det wokinstik, en imbin pikimap faibala ston

brom det lilwan krik deya, en imbin pudum detlot ston insaid langa im beig, en imbin go blanga fait langa Galaiyath garram det shangai blanga im.

*Deibid bin tok la najawan said en pikimap sambala lililwan liliwan rok.*

**Galaiyath:** “Wotfo yu garrimapbat det stik? Yu reken mi dog?”

“Wal yu kaman na, dumaji ai garra gibit yu bodi langa ola bard en enimul blanga dagat.”

**Deibid:** “Yubin kaman blanga fait langa mi garram bigwan naif en dubala spiya. Bat aibin kaman blanga fait langa yu garram det neim blanga YAWEI det boswan God. Im na det God blanga ol detlot Isreil solja weya yubin oldei mokimbat,

<sup>46</sup>en tudei na YAWEI garra hendimoba yu langa mi, en ai garra bidim yu, en ai garra kadimof yu hed, en ai garra gibit ola bodi blanga yu kantrimen olabat langa ola bard en enimul blanga dagat, en afta ola pipul langa ebri kantri garra sabi ola Isreil pipul garram trubala God, <sup>47</sup>en ebribodi iya garra sabi YAWEI bin seibum im pipul olabat miselp. Nobodi kaan album God fait garram bigwan naif en spiya, dumaji im oldei win langa fait miselp, en im na garra meigim melabat bidim yumob.”

*Deibid kaman gulijap garra sling shot a bol la Galaiyath.*

**Storimen:** (slowan): <sup>48</sup>Afta na Galaiyath bin stat wok langa Deibid. Bat Deibid bin ran kwikbala blanga fait langa im, <sup>49</sup>en Deibid bin gajim wanbala ston brom im beig, en imbin pudum det ston langa det shangai, en imbin swingim det shangai, en det ston bin go streit langa Galaiyath, en det ston bin kilim im rait langa midul langa im forid, en det ston bin breigimap det hed bounpat insaid, en Galaiyath bin buldan feisdan langa graun.

*Galiyath buldan langa graun, yubin dai.*

**Storimen:** <sup>50</sup>Lagijat na Deibid bin bidim Galaiyath garram shangai en ston,<sup>a</sup>

Binij na.